

海國公餘輯錄

黃遵憲署檢

海國公餘輯錄

黃通憲君編

海國公餘輯錄卷三

嘉應張煜南榕軒輯

弟鴻南耀軒校

目錄

奧地利亞國

普魯士國

日耳曼列國

瑞士國

土耳其國

希臘國

意大利亞列國

荷蘭國

比利時國

佛郎西國

西班牙國

葡萄牙國

英吉利國

阿非利加各國

阿非利加海灣羣島

亞墨利加

北亞墨利加冰疆

北亞墨利加英吉利屬部

北亞墨利加米利堅合衆國

北亞墨利加南境各國

南亞墨利加各國

亞墨利加海灣羣島

此西...
此東...
此南...
此北...

海國公餘輯錄卷三

嘉應張煜南榕軒輯

弟鴻南耀軒校

塞地利亞國

塞地利亞國歐羅巴大國也其商船初抵粵東時旗
畫雙鷹遂訛稱爲雙鷹國北界普魯士峩羅斯南界
土耳其抵亞得亞海隅意大里亞各國西界瑞士暨
日耳曼各國東西三千一百餘里南北一千八百餘
里其地古時爲勒西亞諾力加巴訥尼亞等國羅馬
征服之後爲北狄所據唐貞元間佛郎西取其地立
爲別部元初日耳曼有酋羅爾德福者號聰敏攻獲

塞地曰耳曼各部推立爲王稱爲東國然疆土褊狹
無大權傳至阿爾麥配匈牙利女王匈牙利因合於
塞驟益疆土數千望遂爲大國明正德十四年國內
亂時西班牙王查理第五賢能得民譽曰耳曼諸部
招之來舉奉以爲曰耳曼王王治軍行法聲威大著
佛郎西來攻王與戰破之擒佛王徙之西班牙佛人
以金贖之乃放還嘉靖四年復得不威迷亞地疆土
愈廣查理第五歿其弟嗣位明於法律簡任賢能國
大治時意大里衰亂帥師伐之割其北境圍羅馬一
年城幾陷意大里諸部皆臣服由是曰耳曼稱霸西

土萬歷四十六年王匪耳地難嗣位先是查理第五
尙天主教禁耶蘇教至是臣民復有從耶蘇者王禁
之甚力違者加以刑臣民合黨攻王王誅滅之遂舉
國奉天主教無敢異康熙三十九年日耳曼各部皆
自立爲王從此東國稱塞地利亞不復稱日耳曼時
西班牙王歿無子壘王以爲其宗國也欲立其子而
佛郎西王欲立其孫兩國構兵十餘年佛王卒立其
孫爲西班牙王四十九年王查理第六嗣位委政臣
下尋歿無子傳位於女女聰敏能持國柄治軍嚴整
鄰不敢侵女主歿王約色弗第二嗣時波蘭衰亂王

與我羅斯普魯土瓜分其國由是幅員之廣遂洸洋
於西土王好耶蘇教廢天主教天主教之黨欲爲亂
王悖歿嘉慶年間佛郎西拿破侖得國恃兵力征伐
四鄰日耳曼列國皆納款舉屬藩比利時亦被侵割
而不爲之下佛無如之何也拿破侖旣敗歐羅巴諸
國各遣公使赴維也納會議凡佛郎西摧破各國皆
申畫疆圻重定盟約以日耳曼列國雖各復故土而
散弱不能自立乃議立公會聯結爲與國以舉爲會
盟之長日耳曼列國之主時來朝議國事舉嘗與土
耳其搆兵三十年講和而罷其國大勢分四部曰日

耳曼地壘之故土也曰意大里地曰匈牙利地曰波
蘭地後來之所割據也都城曰維也納

普魯士國

普魯士亦歐羅巴大國亞於塞地利亞粵東稱爲單
鷹國亦因其商船所畫之旗而得名也北距波羅的
海東界義羅斯南界塞地利亞西雜日耳曼列國界
荷蘭比利時東西約二千一百餘里南北約一千一
百餘里其地古時爲北狄所據南宋時日耳曼人征
服之立爲別部後爲波蘭所兼并明萬歷間日耳曼
之巴郎德不爾厄部復取其地立國奉職忠謹日主
悅之屢益以地康熙三十九年乃自王其國其王長
於韜畧節衣嗇食帑藏豐盈子菲里特第二嗣位雄

武有大志屢勝強敵擴地愈廣王卒姪嗣位淫佚無
度沉溺於酒國勢驟衰時佛拿波倫得國嘉慶十一
年以大兵伐普王菲里特威廉第三初嗣位力不能
禦佛人割其境土之半普遂削弱後六年普民不悅
佛政思故王王因民之怨佛也與諸國合縱攻之佛
師潰而棄地普遂復其故土王乃增修國政勸農工
設學館惠商旅由是百姓親附鄰國之民皆喁喁慕
義遂爲西土顯國其國大勢分東西兩土共八部有
在日耳曼界內者有侵割他國得之者其制民及歲
者工入肆秀入學否則罰其父母年二十以上男丁

皆入伍學藝三年放歸每歲秋操閱賞罰之故其國
兵多而強額兵計十六萬五千內宿衛一萬八千騎
兵一萬九千炮手一萬五千七百步兵十萬四千別
有民壯三十五萬九千二百舉國尙耶蘇教都城曰
百爾靈

日耳曼列國

日耳曼歐羅巴古大國也其地縱橫皆數千里北扼
波羅的海南踐地中海爲歐羅巴之中原上古時五
方之民雜處分數十小部羅馬威時征服之尙未盡
入版圖佛郎西旣興其王甲利泰甫攻滅日耳曼諸
部地隸佛版百餘年梁乾化元年部人畔佛復推佛
郎哥尼亞酋長官拉多爲王王不世及惟衆所推薩
克索尼亞佛郎哥尼亞蘇亞維亞三部之酋先後據
王位元初塞地利亞酋長羅爾德福爲王能服衆由
此繼序不復推至明初日益強盛聲威四播幾與羅